

ՀԱՇՎԵՏՎՈՒԹՅՈՒՆ

ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՎԵՐԱԲԵՐՅԱԼ

1. Անունը, ազգանունը, զբաղեցրած պաշտոնը՝

Քնարիկ Եղիզարյան, Միջազգային համագործակցության վարչության Եվրասիական տնտեսական միության և Եվրասիական տնտեսական միության անդամ-պետությունների հետ համագործակցության բաժնի ավագ մասնագետ

2. Գործուղման վայրը և ժամկետը՝

Չինաստանի Ժողովրդական Հանրապետություն, ք. Պեկին և ք. Չանշա, 2024թ. նոյեմբերի 12-29-ը

3. Հրավիրող կողմը՝

Չինաստանի Ժողովրդական Հանրապետության կառավարություն, ՉԺՀ կոմերցիայի նախարարություն

4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)՝

Գործուղման նպատակն էր «Չինաստանի կառավարության արտոնյալ վարկերը զարգացող երկրների համար» խորագրով դասընթացին մասնակցությունը, Չինաստանի կառավարության կողմից տրամադրվող նոր վարկատեսականերին ծանոթանալը, դրանց ներգրավման ընթացակարգերի վերաբերյալ գիտելիքներ ձեռք բերելը: Նշյալ դասընթացին մասնակցությունը հնարավորություն է տվել զարգացնելու մասնակիցների ոլորտային գիտելիքներն ու հմտությունները, որոնց անհրաժեշտությունը բխում է միջազգային համագործակցության վարչության նախատեսվող վերակազմակերման արդյունքում չինական կողմի հետ կապերի խորացման թիրախավորմամբ:

5. Քննարկված թեմաները՝

- Չինաստանի բարեփոխումները, անցումը բաց տնտեսական համակարգին, վերափոխման ուղին: Թեմայի շրջանակում ներկայացվել է Չինաստանի Ժողովրդական Հանրապետության պատմությունը, քաղաքակարթությունը, զարգացման հիմքում դրված գաղափարախոսությունը, մարտահրավերները, որոնց առաջ կանգնած է եղել պետությունը, դրանց հաղթահարման ուղիները, փակ տնտեսությունից դեպի բաց տնտեսություն առավել անցնելու անցման ուղիները, ներկայիս զարգացման ընթացքը,

Չինաստանի ֆինանսնտնտեսական կապերը զարգացող երկրների հետ: Դասախոսության ընթացքում անդրադարձ է կատարվել Չինաստանի տնտեսության ոլորտների ներկայիս իրավիճակին, այդ թվում՝ արդյունաբերությանը, գյուղատնտեսությանը, կրթական համակարգին, առողջապահությանը, ենթակառուցվածքներին, սոցիալական և ֆինանսական հատվածներին, ինչպես նաև Չինաստանի աշխարհագրությանը և վիճակագրական տվյալներին:

- **«Մեկ գոտի, մեկ ճանապարհ» նախաձեռնությունը և գնահատականը:** Սույն թեմայի շրջանակում ներկայացվել է նշյալ նախաձեռնության պատմական ակնարկը, համեմատականներ են տարվել «մետաքսի» ճանապարհի հետ, քննարկվել են դրանից ակնկալվող և արդեն իսկ ստացված արդյունքները, այն մարտահրավերները, որոնց առաջ կանգնել է նախաձեռնությունը կառուցման և ընդլայնման ընթացքում: Միաժամանակ մասնակիցներին ներկայացվել է, թե յուրաքանչյուր երկիր ինչպիսի տնտեսական շահ կարող է հետապնդել «Մեկ գոտի, մեկ ճանապարհ» նախաձեռնությանը միանալով:

- **Արտաքին ֆինանսական աջակցության դերը զարգացող երկրների ազգային տնտեսությունների զարգացման համատեքստում:** Քննարկվել են պետությունների արտաքին ֆինանսավորման տեսակները, աղբյուրները, գործիքակազմը համապատասխան օրինակներով: Ուսումնասիրվել է Չինաստանի փորձը՝ որպես արտաքին ֆինանսավորման միջոցով տարատեսակ մարտահրավերներ հաղթահարած զարգացող պետություն: Քննարկվել են մասնակից պետություններից մի քանիսի մասնավոր օրինակներ, դրանցում ներդրված արտաքին ֆինանսավորման մեխանիզմները, վերջիններիս միջոցով իրականացված խոշոր նախագծերը:

- **Չինաստանի կողմից տամադրվող ֆինանսական աջակցությունը զարգացող երկրներին:** Դասընթացի մասնակիցներին ներկայացվել են Չինաստանի կողմից կամ Չինաստանի ֆինանսավորմամբ իրականացվող նախագծերը, այն ֆինանսական գործիքները, սկզբունքները և մեխանիզմները, որոնք կիրառում է Չինաստանը զարգացող երկրներին ֆինանսական կամ տեխնիկական աջակցություն տրամադրելիս, ինչպես նաև աջակցության հիմնական տեսակները, դրանց տրամադրման պայմանները, ընթացակարգերի ճանապարհային ուղին և ներգրավված սուբյեկտները:

- **Չինաստանի արտահանման և ներմուծման բանկը (այսուհետ՝ Բանկ):** Ներկայացվել են Բանկի կառուցվածքը, գործառույթները, դրան պատկանող հիմնադրամները, ֆինանսավորման աղբյուրները, վերջինիս կողմից իրականացվող նախագծերը, Բանկի հետ համագործակցության յուրահատուկ սկզբունքներն ու պայմանները:

- **Չինաստանի կառավարության կողմից տրամադրվող արտոնյալ վարկեր:** Քննարկվել են Չինաստանի կառավարության կողմից զարգացող երկրներին տրամադրվող արտոնյալ վարկերը և դրանց տեսակները (concessional and preferential loans), դրանց միջև առկա տարբերությունները: Քննարկումը ծավալվել է Չինաստանի Արտահանման և ներմուծման բանկի (China EXIMBANK) գործառույթների շրջանակներում: Ներկայացվել է այն ճանապարհային քարտեզը, որով իրականացվում է վարկերի ներգրավման կամ տրամադրման գործընթացը, մանրամասն ներկայացվել են բոլոր այն կառույցների գրծառույթները, որոնք ներգրավված են վարկային շղթայում:

- **Չինաստանի կառավարության արտոնյալ վարկերով իրականացված ծրագրեր:** Մանրամասն անդրադարձ է կատարվել տարբեր երկրներում Չինաստանի արտոնյալ վարկային քաղաքականության շնորհիվ իրականացված նախագծերին, դրանց լուծած ռազմավարական խնդիրներին, դրանցից բխող տնտեսական օգուտներին:

- **Ենթակառուցվածքային ներդրումներ և ֆինանսական մոդելներ:** Քննարկվել են ենթակառուցվածքների զարգացման դերը զարգացող երկրների տնտեսության և բարեկեցության համար, մատնանշվել են տարբեր զարգացող երկրների փորձը ներդրումների ներգրավման հարցում, անդրադարձ է կատարվել բիզնես մոդելների, որոնց միջոցով հնարավոր է լուծել զարգացող երկրների առաջ ծառայած խնդիրները:

6. Հանդիպումներ, ելույթներ, բարձրացված և քննարկված հարցեր՝

Գործուղման ընթացքում նախանշված ելույթներ չեն եղել, սակայն հընթացս Քնարիկ Եդիգարյանը մասնակցել է Միջազգային ծառայողների ակադեմիայի կողմից կազմակերպված և չինական «Հաննան ԹիՎի» հեռուստաընկերության ուղիղ եթերում հեռարձակվող «Մեկ գոտի, մեկ ճանապարհ» մշակութային համերգին՝ հանդես գալով որպես հաղորդավար: Համերգից հետո իրականացված ճեպագրույցի ընթացքում հակիրճ ներկայացվել են հայ-չինական համագործակցության հնարավոր ուղիները:


7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը:

Դասընթացի ընթացքում որոշման ընդունում կամ փաստաթղթերի ստորագրում նախատեսված չէր:

8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Դասընթացի ընթացքում կազմակերպել է թիմային և դերային խաղեր, որոնց ընթացքում մասնակիցների կողմից առաջարկվել են էքսիմ բանկի կողմից իրականացվող նախագծերում հաշվի առնել մի շարք գործոններ զարգացող երկրներում առավել մեծ արդյունքներ գրանցելու համար: Էքսիմբանկի ներկայացուցիչները իրենց հերթին նշել են, որ հաշվի կառնեն առաջարկությունները և իրականացվող նախագծերին ներկայացվող պահանջների ցանկում կավելացնեն վերջիններս, ինչը կավելացնի դրանց թափանցիկությունը, հաշվետվողականությունը, հասցեականությունը և արդիականությունը:

9. Ստորագրություն, ամսաթիվ:



2.12.2024թ.